

## ՀԱՐՈՒՑՅԱԼ ԹԱԳԱՎՈՐԸ - ՈՐ Է, ՈՐ ԷՐ և ՈՐ ԳԱԼՈՒ Է

### ԲԱՆԱԼԻ ՀԱՄԱՐՆԵՐ. ՀԱՅՏՆՆՈՒԹՅՈՒՆ 1.4-8

4 Հովհաննեսից՝ Ասիայում գտնվող յոթ եկեղեցիներին: Շնորհ ձեզ և խաղաղություն նրանից, **որ Է, նաև որ էր և որ գալու է**, և այն յոթ Հոգիներից, որ նրա գահի առաջ են, 5 և Հիսուս Քրիստոսից՝ հավատարիմ վկայից, որ անդրանիկն է մեռելներից և իշխանը երկրի թագավորների:

7 «Ահա նա գալիս է ամպերով, և նրան պիտի տեսնեն բոլոր աչքերը, նաև նրանք, որ խոցեցին նրան, և նրա վրա պիտի ողբան երկրի բոլոր ազգերը: Այո՛, ամեն՛»: 8 «Ես եմ Ալֆան ու Օմեգան (սկիզբն ու վերջը)», - ասում է Տերը՝ Աստված, նա, որ Է, որ էր և որ գալու է՝ Ամենակալը:

- Այսօր մենք հավաքվել ենք ոչ միայն հիշելու մի իրադարձություն, այլ նշելու մի հաղթանակ՝ կենդանի և հավիտենական իրականություն: Ջատիկը միայն դատարկ գերեզմանի մասին չէ, այլ իշխող Թագավորի մասին է:

Նա անդրանիկն է մեռելներից,

Նա իշխանն է երկրի թագավորների,

Նա, որ Է, որ էր և որ գալու է:

Սա պարզապես աստվածաբանություն չէ՝ սա մեր հույսն է:

## I. ՆԱ ԱՆԴՐԱՆԻԿՆ Է ՄԵՌԵԼՆԵՐԻՑ

Չհստուր առաջինն է նոր կյանքի հարության մեջ:

Ա Կոր. 15.20 – Քրիստոսը ննջեցյալներից առաջինը եղավ, որ մեռելներից հարություն է առել:

**Չարց.** Բայց մեկը կասի. Մեռելներն ինչպես են հարություն առնում և ի՞նչ մարմնով են գալու (Ա Կոր. 15.35)

**Պատասխան.** Աստված նրան մարմին է տալիս, ինչպես որ կամենում է. սերմերից ամեն մեկին՝ իր մարմինը (Ա Կոր. 15.38):

Պողոսը այստեղ բացատրում է մի խոր ճշմարտություն՝ այն, ինչ ցանվում է, նույն ձևով չի մնում:

Թրթուռը սողում է գետնի վրա: Նրա կյանքը սահմանափակ է: Բայց մի պահ գալիս է, երբ նա մտնում է բոժոժի մեջ: Այնտեղ տեղի է ունենում մի հրաշք՝

Չին ձևը վերանում է և նորն է ձևավորվում:

Եվ վերջում՝ նա դուրս է գալիս որպես **թիթեռ**:

Ցանվում է ապականությամբ → հարություն է առնում անապականությամբ

Ցանվում է անպատվությամբ → հարություն է առնում փառքով (Ա Կոր. 15.42-43)

Որ կփոխի մեր խոնարհ մարմինը, որպեսզի լինի նման Նրա փառավոր մարմնին (Փիլ. 3.21):

Աստված տալիս է նոր մարմին, նոր կյանք և ամբողջական փոփոխություն

**Հարությունը նաև թագադրություն էր:**

## **II. ԻՃԽԱՆՆ Է ԵՐԿՐԻ ԹԱԳԱՎՈՐՆԵՐԻ**

Հիսուսը ոչ միայն ապրում է – Նա իշխում է:

Մատ. 28.18 – Հիսուսը մոտեցավ, խոսեց նրանց հետ ու ասաց. Ինձ տրվեց ամեն իշխանություն երկնքում ու երկրի վրա:

Ղուկաս 4.6 – Եվ սատանան նրան ասաց. ,Այս ամբողջ իշխանությունն ու սրանց փառքը քեզ կտամ, որովհետև ինձ է տրված, և ում ցանկանում եմ, տալիս եմ այն:

Փիլ. 2.9-11 – Հիսուսի անվանը ծավլի երկնավորների, երկրայինների և երկրի տակ

եղողների ամեն ծունկ, և ամեն լեզու խոստովանի,  
որ Հիսուս Քրիստոսը Տեր է Հոր Աստծու փառքի  
համար:

**Հարությունը խոստում է Նրա վերադարձի:**

### **III. ՈՐ Է, ՈՐ ԷՐ ԵՎ ՈՐ ԳԱԼՈՒ Է**

Եբրայեցիս 13.8 – Հիսուս Քրիստոսը նույնն է երեկ,  
այսօր և հավիտյան:

- Նա միայն անցյալի Փրկիչ չէ – Նա ներկայի Տեր է  
և ապագայի Թագավոր:

Հայտ. 22.12-13 – Ահա շուտով գալիս եմ... Ես եմ  
Ալֆան և Օմեգան:

Գործք. 1.11 – Այս Հիսուսը, որ ձեր միջից երկինք  
համբարձվեց, նույն կերպ էլ պիտի գա, ինչպես որ  
նրան տեսաք երկինք գնալիս:

**Հարությունը նոր կյանքի սկիզբն է:**

Ա Պետրոս 1.3-5 – Օրհնյալ է Աստված և Հայրը մեր  
Տեր Հիսուս Քրիստոսի, որ իր առատ ողորմությամբ  
մեզ վերստին ծնեց կենդանի հույսի համար՝  
մեռելներից Հիսուս Քրիստոսի հարությամբ, այն  
անեղծ, անարատ ու անթառամ ժառանգության  
համար, որ երկնքում պահված է ձեզ համար, որ  
Աստծու զորությամբ հավատով պահպանվում եք

փրկության համար, որ պատրաստ է հայտնվելու  
վերջին ժամին:

Անդրանիկն է մեռելներից

Իշխանն է երկրի թագավորների

Որ է, որ էր և որ գալու է

«Քրիստոս հարյավ ի մեռելոց. օրհնյալ է  
Հարությունը Քրիստոսի»

**ԻՆՉ Է ԱՍՈՒՄ ՍՈՒՐԲ ՀՈԳԻՆ ՔԵՉ ԱՅՍ ՊԱՏԳԱՄԻ  
ՄԻՋՈՑՈՎ:**